

LIZING SHARTNOMASI

(Jismoniy shaxslar uchun)

Shartnoma tuzilgan vaqt

Shartnoma raqami

Shartnoma tuzilgan joy

Lizing beruvchi tashkilotning nomi, tashkiliy huquqiy shaklining (keyingi o‘rinlarda – Lizing beruvchi) Lizing beruvchi tashkilot rahbari lavozimi va F.I.O.si Lizing beruvchiga shartnoma tuzish huquqini beruvchi hujjat asosida faoliyat yuritib bir tomondan, va Lizing oluvchi shaxsning manzili manzilida (keyingi o‘rinlarda – Lizing oluvchi) yashovchi Lizing oluvchining F.I.O.si, ikkinchi tomondan, ushbu lizing shartnomasini (keyingi o‘rinlarda – Shartnoma) quyidagilar haqida tuzdik.

1-§. Shartnoma predmeti

1. Lizing beruvchi ushbu Shartnoma shartlariga muvofiq lizing obyektini mulk sifatida sotib olishga va uni Lizing oluvchiga vaqtincha egalik qilish va tadbirkorlik maqsadida foydalanish uchun mazkur Shartnomada ko‘rsatilgan muddatga, shartlarda va haq evaziga lizingga beradi, Lizing oluvchi esa lizing to‘lovini ushbu Shartnoma shartlari va lizing to‘lovini amalga oshirish grafigiga muvofiq to‘laydi.

2. Lizing objekti Lizinga berilayotgan obyektning nomi bo‘lib, uning umumiy qiymati Lizinga berilayotgan obyektning umumiy qiymati (raqam va so‘z bilan yoziladi) so‘m.

3. Lizing objekti Lizing oluvchining buyurtmasiga muvofiq Lizing objekti xarid qilinishi lozim bo‘lgan savdo tashkilotidan (keyingi o‘rinlarda – Sotuvchi) xarid qilinishi lozim.

Mazkur shartnoma shartlari O‘zbekiston Respublikasining Fuqarolik kodeksi va Lizing to‘g‘risidagi qonunlariga muvofiqdir.

2-§. Lizing obyektini yetkazib berish va foydalanishga topshirish

4. Lizing beruvchi tomonidan lizing obyektini Lizing oluvchiga vaqtinchalik egalik qilish va tadbirkorlik faoliyatida foydalanishga berish topshirish-qabul qilish dalolatnomasi asosida amalga oshiriladi.

5. Lizing beruvchi lizing obyektini ushbu Shartnomada ko‘rsatilgan muddatda yetkazib berish to‘g‘risida Sotuvchi bilan kelisha olmasa, lizing obyektini yetkazib berish muddati, Sotuvchi yetkazib berishni kafolatlaydigan vaqtgacha, uzaytirilishi mumkin.

3-§. Lizing obyektiga mulk (egalik) huquqi, balans hisobini yuritish va amortizatsiya hisoblash

6. Ushbu Shartnoma amal qiladigan davrda lizing obyektiga mulk (egalik) huquqi Lizing beruvchida bo‘ladi. Lizing obyektiga vaqtincha egalik qilish va undan foydalanish huquqi ushbu Shartnomada ko‘zda tutilgan cheklovlar bilan Lizing oluvchiga o‘tadi.

7. Lizing obyektini hisobi Lizing oluvchining balansida yuritiladi va unga amortizatsiya (eskirish) hisoblanadi.

4-§. Shartnoma qiymati, lizing muddati va lizing to'lovlari

8. Ushbu Shartnomaning (lizingning) umumiy qiymati Lizing shartnomasining umumiy qiymati (raqam va so'z bilan yoziladi) so'mni tashkil qiladi.

9. Lizing muddati – Lizing muddati (oy) oy.

10. Lizing bo'yicha asosiy qarzni to'lash tartibi va muddati, mazkur Shartnomaning 2-ilovasida keltirilgan, grafikda belgilab qo'yiladi. Lizing obyektidan foydalanganlik uchun haq (foiz) ushbu Shartnoma shartlariga muvofiq to'lanadi. Lizing obyektini yetkazib berish muddati o'zgarsa, Lizing oluvchi Lizing beruvchi bilan kelishgan holda lizing to'lovini amalga oshirish grafigini o'zgartirish huquqiga ega bo'ladi.

11. Lizing obyektiga oid uch tomonlama oldi-sotdi shartnomasi bo'yicha to'lov quyidagi tartibda amalga oshiriladi:

a) to'lovning Lizing obyektini uchun to'lovning lizinga beruvchi tomonidan to'lanadigan qismi (so'mda yoziladi) so'mga teng qismi Lizing beruvchining mablag'i hisobidan;

b) to'lovning Lizing obyektini uchun to'lovning lizing oluvchi tomonidan to'lanadigan qismi (so'mda yoziladi) so'mga teng qismi Lizing oluvchining mablag'i hisobidan.

12. Lizing obyektidan foydalanganlik uchun foiz stavkasi yillik hisob asosida Lizing obyektidan foydalanganlik uchun to'lanadigan yillik foiz (foiz stavkasi) % miqdorida belgilanadi va lizing obyektini Lizing oluvchiga vaqtinchalik egalik qilish va tadbirkorlik faoliyatida foydalanishga berishga oid topshirish-qabul qilish dalolatnomasi imzolangan kundan boshlab har kunga hisoblab boriladi.

13. Lizing oluvchi lizing obyektidan foydalanganlik uchun haqni (foizni), lizing obyektini vaqtinchalik egalik qilish va tadbirkorlik faoliyatida foydalanishga berishga oid topshirish-qabul qilish dalolatnomasi imzolangan kundan boshlab, har oyning Lizing obyektidan foydalanganlik uchun har oyda to'lovlar to'lanadigan sana-sanasida to'lab beradi yoki Lizing beruvchi tomonidan undirilib olinadi. Lizing to'lovi to'lanadigan kun dam olish kuniga to'g'ri kelsa, lizing obyektidan foydalanganlik uchun foizni to'lash, dam olish kundan keyingi birinchi ish kunida amalga oshiriladi.

14. Lizing to'lovini amalga oshirish grafigiga muvofiq lizing bo'yicha asosiy qarz o'z vaqtida qaytarilmaganda, foiz stavkasi 1,5 barobar oshiriladi.

15. Lizing bo'yicha muddati o'tgan foiz to'lovi yuzaga kelgan taqdirda, Lizing oluvchi har bir muddati o'tgan kun uchun to'lov muddati o'tgan qarzдорlikdan 0,5%, lekin muddati o'tgan foiz qarzдорligining 50 foizidan oshmagan miqdorda, Lizing beruvchiga penya to'laydi.

16. Lizing oluvchi tashabbusi bilan ushbu Shartnoma shartlari qayta ko'rilganda, Lizing beruvchi lizing qiymatining so'ndirilmagan qismidan O'zbekiston Respublikasi qonun hujjatlariga muvofiq belgilangan bazaviy hisoblash miqdorining 5 barobarigacha miqdorda vositachilik haqi undirish huquqiga ega bo'ladi.

17. Lizing obyektining uch tomonlama oldi-sotdi shartnomasi qiymati 100% to'langan kundan lizing obyektini vaqtinchalik egalik qilish va tadbirkorlik faoliyatida foydalanishga berishga oid topshirish-qabul qilish dalolatnomasi imzolangan kungacha har bir kun uchun Lizing oluvchi tomonidan Lizing beruvchi foydasiga lizing (shartnoma) qiymatidan 0,05% to'lov amalga oshiriladi.

19. Lizing shartnomasini tuzish, lizing obyektini sotib olish va uni vakolatli davlat idoralarida ro'yxatdan o'tkazish bilan bog'liq Lizing beruvchi tomonidan qilingan barcha xarajatlar, Lizing oluvchining asosiy talab qilib olinguncha depozit hisobvarag'iga akseptsiz ravishda mablag'ni yechish uchun to'lov talabnomasi qo'yish orqali, Lizing oluvchi tomonidan qoplanadi.

5-§. Lizing ta'minoti

20. Lizing oluvchi lizing ta'minoti sifatida, Lizing beruvchi tomonidan lizing obyekt uchun to'lov amalga oshirilgunga qadar, quyidagilarni taqdim etadi (ta'minot turiga qarab):

- a) lizing shartnomasi muddatiga sug'urta shartnomasi va sug'urta polisi;
- b) notarial tartibda tasdiqlangan garov shartnomasi asosida Lizing oluvchining aloqa uchun raqami;

6-§. Lizing obyektining sifati va butligi

21. Lizing oluvchi lizing obyektini ushbu Shartnomaning 4-bandida belgilangan tartibda qabul qiladi.

22. Lizing beruvchi Sotuvchi tomonidan lizing obyektining uch tomonlama oldi-sotdi shartnomasiga ko'ra olingan majburiyatlar bajarilmagan holatlar uchun javobgar bo'lmaydi.

23. Lizing oluvchi lizing obyektining uch tomonlama oldi-sotdi shartnomasidan kelib chiquvchi lizing obyekt sifati va butligi yuzasidan bevosita Sotuvchiga talab qo'yishga haqli hisoblanadi.

7-§. Lizing obyekt turadigan joy va undan foydalanish shartlari

24. Mazkur Shartnoma muddati davomida lizing obyekt Lizing oluvchiga qarashli Lizing obyekt turadigan manzil manzilda joylashgan obyekt turadi. Lizing obyekt turadigan joyni o'zgartirish uchun Lizing beruvchining yozma roziligi olinadi.

25. Lizing oluvchi quyidagi majburiyatlarni o'z zimmasiga oladi:

- a) lizing obyektidan qat'iy belgilangan maqsadda foydalanish;
- b) tegishli standartlar, texnik talablar, ekspluatatsiya qoidalari va ishlab chiqaruvchi korxona yo'riqnomasiga rioya etish;
- v) lizing obyektini soz holatda saqlash;
- g) lizing obyektining ahvolini muntazam ravishda tekshirib turish;
- d) lizing obyekt faol holatda bo'lishini ta'minlash, uning nosoz qismlarini, agar Lizing beruvchi bilan tuzilgan ushbu Shartnomada boshqacha holat ko'zda tutilmagan bo'lsa, Sotuvchi yetkazib bergan yoki tavsiya qilgan ehtiyot qismlar bilan almashtirish. Mazkur shart bajarilmagan taqdirda Lizing beruvchi Lizing oluvchidan lizing obyektini ta'mirlashni talab qilish huquqiga ega bo'ladi, Lizing oluvchi esa lizing obyektini o'z mablag'i hisobidan ta'mirlash majburiyatini oladi;
- ye) lizing obyekt ushbu obyekt bo'yicha mutaxassis xodimlar tomonidan to'g'ri ekspluatatsiya qilinishini ta'minlash;
- yo) lizing obyektiga texnik xizmat ko'rsatish yuzasidan mutaxassislar bajargan barcha ishlar haqini o'z vaqtida to'lash;
- j) lizing obyektidan foydalanishga qo'yiladigan talablar – ro'yxatdan o'tkazish, litsenziya olish va boshqa zarur talablarni bajarish;

z) Lizing beruvchi tomonidan to'langan barcha xarajatlar, boj, soliq (mulk, yer va qo'shimcha qiymat soliqlari), ushbu Shartnomani bajarish bilan bog'liq turli xarajatlar hamda lizing obyektining uch tomonlama oldi-sotdi shartnomasi ijrosiga daxldor xarajatlarni qoplash;

i) lizing obyektiga amortizatsiya (eskirish) hisoblash;

y) lizing to'lovini o'z vaqtida to'lash.

26. Lizing beruvchi va Lizing oluvchi o'rtasidagi lizing obyektini vaqtinchalik egalik qilish va tadbirkorlik faoliyatida foydalanishga berish topshirish-qabul qilish dalolatnomasi Lizing beruvchining lizing obyektiga mulk (egalik) huquqi tegishli davlat idorasida davlat ro'yxatidan o'tgandan so'ng 5 bank ish kuni ichida imzolanadi.

8-§. Lizing obyektiga o'zgartirish kiritish

27. Lizing oluvchi Lizing beruvchidan yozma rozilik olmasdan lizing obyektiga biron-bir tarzda (lizing obyektidan ajraladigan va ajralmaydigan) o'zgartirish yoki tuzatish kiritish huquqiga ega emas.

28. Lizing obyektiga Lizing oluvchi tomonidan, Lizing beruvchining yozma roziligi asosida, kiritilgan har qanday o'zgartirish va tuzatish lizing obyektining bir qismi hisoblanadi.

9-§. Ushbu shartnoma bo'yicha huquqlar va majburiyatlarning uchinchi shaxsga o'tishi

29. Lizing beruvchiga ushbu Shartnomaga ko'ra tegishli bo'lgan huquqlar (talablar) to'liq yoki qisman uchinchi shaxsga berilishi mumkin. Bunday holatda Lizing beruvchi o'z huquqlari (talablari) uchinchi shaxsga o'tishidan 30 kun oldin Lizing oluvchiga yozma xabar berishi shart.

30. Lizing oluvchi quyidagilarga haqli emas:

a) lizing obyektini sotish, shuningdek uni uchinchi shaxs ixtiyoriga o'tkazishga qaratilgan boshqa harakatlarni amalga oshirish;

b) lizing obyektini korxonaning (tashkilotning) ustav kapitaliga ulush sifatida kiritish;

v) lizing obyektini berib yuborish yoki qayta garovga qo'yish.

31. Lizing oluvchi, Lizing beruvchining yozma roziligini olmay turib, lizing obyektiga nisbatan quyidagi harakatlarni qilishga haqli emas:

a) sublizingga berish;

b) mazkur Shartnoma bo'yicha huquqlar va majburiyatlarni boshqaga o'tkazish (qayta ijara);

v) bepul foydalanishga berish;

g) lizingga oid huquqlarini garovga qo'yish;

d) uchinchi shaxsni lizing obyektining konstruksiyasi va texnik tavsifi bilan tanishtirish.

10-§. Lizing obyektini nazorat qilish

32. Lizing beruvchining tegishli vakolatga ega bo'lgan xodimlari lizing obyektini nazorat qilishga haqli hisoblanadi. Mazkur bandni bajarish maqsadida Lizing oluvchi o'zida belgilangan ish vaqti

davomida Lizing beruvchi vakillarining lizing obyektini turgan va ishlatilayotgan hududga (binoga) bemalol kirishini ta'minlash majburiyatini oladi.

11-§. Lizing obyektining kutilmaganda nobud bo'lishi, uni yo'qotib yoki buzib qo'yish oqibatlari

33. Lizing obyektini Lizing oluvchiga vaqtinchalik egalik qilish va tadbirkorlik faoliyatida foydalanish uchun topshirish-qabul qilish dalolatnomasi imzolanganidan keyin uning kutilmaganda nobud bo'lishi, uni yo'qotib yoki buzib qo'yishga oid barcha mas'uliyat Lizing oluvchiga o'tadi.

34. Lizing obyektini buzib qo'yilganda Lizing oluvchi uni o'z hisobidan darhol tuzatishi hamda uni hamisha faol va ishlaydigan holatda saqlab turishi kerak. Bunday holda ushbu Shartnoma o'zgartirilmaydi, Lizing oluvchi esa mazkur Shartnomada ko'zda tutilgan tartibda va muddatda lizing to'lovini amalga oshirishni davom ettiradi.

35. Lizing obyektini kutilmaganda nobud bo'lgan, shuningdek buzib qo'yilgan va uni tuzatishning imkoni bo'lmagan holda Lizing oluvchi ushbu Shartnomaga ko'ra Lizing beruvchiga to'lanishi kerak bo'lgan lizing to'lovi bilan lizing obyektini nobud bo'lgan yoki buzib qo'yilgan paytgacha to'langan lizing to'lovi o'rtasidagi farqni Lizing beruvchiga o'tkazib beradi. Lizing to'lovi to'liq amalga oshirilgan vaqtdan boshlab lizing obyektiga mulk (egalik) huquqi Lizing oluvchiga o'tadi.

12-§. Lizing obyektini sug'urta qilish

36. Lizing obyektini quyidagi tavakkalchiliklardan sug'urta qilinadi:

a) nobud bo'lish, yong'in, barvaqt eskirish, yo'qotib qo'yish, qayta tiklab bo'lmaydigan darajada buzib qo'yish;

b) baxtsiz hodisa va boshqa tavakkalchiliklar.

37. Sug'urta shartnomasi Lizing beruvchining lizing obyektiga mulk (egalik) huquqi tegishli davlat idorasida ro'yxatga olingandan so'ng 5 bank kuni ichida tuziladi.

38. Lizing oluvchi lizing obyektini Lizing beruvchi foydasiga sug'urta qiladi. Lizing obyektini Lizing beruvchi ma'qullagan sug'urta kompaniyasida ushbu Shartnoma amal qiladigan muddatga sug'urta qilinadi. Sug'urta shartnomasining barcha shartlari Lizing beruvchi bilan kelishilgan bo'lishi lozim. Sug'urta shartnomasi va sug'urta polisining asl nusxasi, lizing obyektini Lizing oluvchiga vaqtinchalik egalik qilish va tadbirkorlik faoliyatida foydalanish uchun topshirish-qabul qilish dalolatnomasi imzolanganiga qadar, Lizing beruvchiga topshiriladi.

39. Lizing beruvchi ushbu Shartnomadan kelib chiqadigan tadbirkorlik tavakkalchiligini sug'urta qilishga haqli hisoblanadi. Tadbirkorlik tavakkalchiligini sug'urtalash shartnomasi bo'yicha sug'urta qildiruvchi va undan foyda oluvchi barcha hollarda Lizing beruvchi hisoblanadi.

40. Mazkur Shartnomada ko'zda tutilgan har qanday sug'urta majburiyati ushbu Shartnoma amal qiladigan butun muddat davomida kuchga ega bo'ladi.

13-§. Lizing obyektini yuzasidan sug'urta to'lovlari

41. Lizing obyektini bilan sug'urta holati yuz berganda to'lanadigan barcha to'lovni Lizing beruvchi qabul qiladi. Lizing obyektini nobud bo'lishi yoki buzilishi natijasida Lizing beruvchi ko'rgan zararni Lizing oluvchi o'z hisobidan so'ndirgan, jarima va foizlarni to'lagan taqdirda, ular

bilan Lizing beruvchi olgan sug'urta to'lovi orasidagi farq Lizing beruvchining hisobvarag'iga pul mablag'i kiritilgan paytdan boshlab ko'pi bilan 10 kun ichida Lizing oluvchining hisobvarag'iga o'tkaziladi. Agar Lizing oluvchi ko'rilgan zarar va jarima to'lovini qisman so'ndirsa, Lizing beruvchi Lizing oluvchiga sug'urta to'lovini, so'ndirilmagan qarzdorlikni chegirib qolgan holda, o'tkazib beradi.

42. Sug'urta shartnomasi bo'yicha olingan pul mablag'ining yetarli emasligi mazkur Shartnomada ko'zda tutilgan lizing to'lovi, jarima va ko'rilgan zararni Lizing oluvchidan to'liq undirib olish uchun asos bo'ladi.

14-§. Shartnomani Lizing oluvchi tashabbusi bilan bekor qilish

43. Lizing beruvchi lizing obyektidan ushbu Shartnoma shartlariga yoki belgilangan maqsadda foydalanishga to'sqinlik qilganda, mazkur Shartnoma Lizing oluvchi tashabbusi bilan sud orqali bekor qilinishi mumkin.

15-§. Shartnomani Lizing beruvchi tashabbusiga ko'ra bekor qilish

44. Ushbu Shartnoma quyidagi hollarda Lizing beruvchining tashabbusi bilan sud orqali bekor qilinadi:

a) Lizing oluvchi lizing obyektidan foydalanish paytida Shartnoma shartlari buzilishiga yo'l qo'yganda yoki belgilangan maqsadda foydalanmaganda;

b) Lizing oluvchi lizing obyektining holati jiddiy yomonlashuviga yo'l qo'yganda;

v) Lizing oluvchi lizing to'lovini ushbu Shartnomada belgilangan oraliq to'lov muddati tugagandan keyin ketma-ket ikki martadan ortiq to'lamaganda. Lizing beruvchi sudga murojaat qilishga, Lizing oluvchini Shartnoma shartlari buzilganligi haqida yozma ogohlantirib, ularni bartaraf etishning ushbu ogohlantirish xatida belgilangan muddati tugagandan so'ng haqli bo'ladi.

45. Lizing beruvchi quyidagi hollarda ushbu Shartnomani muddatidan oldin bekor qilishga haqli bo'ladi:

a) Lizing oluvchi ushbu Shartnomaning 30-bandida qayd etilgan harakatlarni sodir etganda;

b) Lizing oluvchi ushbu Shartnomaning 31-bandida qayd etilgan harakatlarni sodir etganda.

16-§. Shartnoma muddati tugagandan so'ng lizing obyektiga mulk huquqining Lizing beruvchidan Lizing oluvchiga o'tishi

46. Mazkur Shartnoma muddati tugagandan, ya'ni Lizing beruvchi va Lizing oluvchi ushbu Shartnoma bo'yicha o'z majburiyatlarini to'liq bajargandan keyin lizing obyektiga mulk (egalik) huquqi Lizing beruvchidan Lizing oluvchiga o'tadi. Lizing obyektiga mulk (egalik) huquqini Lizing beruvchidan Lizing oluvchiga o'tkazish uchun:

a) Lizing beruvchi va Lizing oluvchi o'rtasida qarzdorlikni solishtirish dalolatnomasi tuziladi;

b) Lizing beruvchi va Lizing oluvchi o'rtasida lizing obyektiga mulk (egalik) huquqini topshirish-qabul qilish dalolatnomasi imzolanadi.

47. Lizing oluvchi lizing obyektiga mulk (egalik) huquqini Lizing beruvchidan olgandan so'ng, o'zining ushbu huquqini O'zbekiston Respublikasi qonun hujjatlariga muvofiq rasmiylashtiradi. Lizing obyektini Lizing oluvchi nomiga rasmiylashtirish bo'yicha barcha xarajat Lizing oluvchi tomonidan amalga oshiriladi.

17-§. Lizing obyektini qaytarib olish shartlari va tartibi

48. Agar Lizing oluvchi tomonidan ushbu Shartnomaning 25, 30 va 31-bandlarida qayd etilgan shartlar bajarilmasa, shuningdek O'zbekiston Respublikasi qonun hujjatlarida ko'zda tutilgan boshqa holatlarda Lizing beruvchining talabi bilan lizing obyektini qaytarib beriladi. Lizing oluvchi tomonidan lizing obyektini qaytarish to'g'risida Lizing beruvchi talabnomasi olinganda, Lizing oluvchi talabnoma olingandan so'ng 30 kun ichida lizing obyektini Lizing beruvchining vakillariga topshirish orqali amalda joylashgan joyida qaytaradi. Lizing obyektining qaytarilishi dalolatnoma bilan rasmiylashtiriladi. Lizing beruvchiga lizing obyektini qaytarib berilgandan so'ng, Lizing oluvchi 30 kun davomida lizing obyektini qaytarib olish uchun to'lov qilish (выкуп) huquqini yo'qotmaydi.

49. Lizing oluvchidan lizing obyektini qaytarib olish tartibi O'zbekiston Respublikasi qonun hujjatlari va ushbu Shartnomaga muvofiq belgilanadi.

50. Lizing obyektining qaytarib olinishi Lizing oluvchini ushbu Shartnomani bekor qilish paytigacha bajarishi zarur bo'lgan majburiyatlardan ozod etmaydi. Lizing oluvchidan lizing obyektini qaytarib olinganda, Lizing beruvchi hisobiga lizing to'lovi sifatida kirim qilingan to'lovlar va ushbu Shartnomaga muvofiq Lizing oluvchi tomonidan to'langan boshqa to'lovlar qaytarilmaydi.

17-§. Fors-major holatlar

51. Ushbu Shartnomaga ko'ra qabul qilingan majburiyatlarni bajarmagan yoki lozim darajada bajarmagan tomon, agar bunga fors-major holat sabab bo'lganligini isbotlay olmasa, javobgar bo'ladi.

52. Fors-major holatlarga, ular oqibatida kelib chiqqan favqulodda, joriy sharoitda bartaraf etib bo'lmaydigan va oldindan kutilmagan vaziyatlar, agar ushbu vaziyatlar tomonlarning mazkur Shartnomani bajarishiga bevosita ta'sir ko'rsatgan bo'lsa, quyidagilar kiradi:

a) tabiiy hodisalar (zilzila, ko'chki, dovul, qurg'oqchilik va boshqa tabiiy hodisalar);

b) ijtimoiy-iqtisodiy vaziyatlar (harbiy harakat, ish tashlash, qamal, davlat tashkilotlari hamda davlatlar o'rtasidagi cheklovchi va taqiqlovchi choralar, shuningdek Hukumat qarorlari va boshqalar).

53. Fors-major holat sodir bo'lishi oqibatida o'z majburiyatini bajarish imkoniyatiga ega bo'lmagan va javobgarlikdan ozod qilishni da'vo qiladigan tomon fors-major holat sodir bo'lganini ma'lum bo'lishi bilan ikkinchi tomonni mazkur holat to'g'risida yozma ravishda xabardor qilishi shart.

54. Javobgarlikdan ozod bo'lish uchun asos fors-major holat sodir bo'lgan vaqtdan boshlab yoki agar xabar o'z vaqtida berilmagan bo'lsa, u holda xabar berilgan sanadan e'tiboran kuchga ega bo'ladi. Xabar berilmasligi, majburiyatni bajarmagan tomon zimmasiga ko'rilgan zararni qoplash yuzasidan javobgarlikni yuklaydi.

55. Fors-major holatlarning 6 oylik muddat davomida saqlanib turishi mazkur Shartnomani bekor qilish uchun asos bo'ladi.

18-§. Shartnomaning amal qilish muddati

56. Ushbu shartnoma uni tomonlar imzolagan paytdan boshlab kuchga kiradi va tomonlar majburiyatlarini to'liq bajargunga qadar amal qiladi.

19-§. Nizolarni hal etish

57. Tomonlar ushbu Shartnomadan kelib chiquvchi nizolarni muzokara yo'li bilan hal etishning barcha zarur choralarini ko'rish majburiyatini oladi.

58. Nizoni muzokara yo'li bilan hal etishning imkoni bo'lmasa, u O'zbekiston Respublikasi qonun hujjatlariga muvofiq Taraflar o'rtasida nizo chiqqan taqdirda murojaat qilinadigan sud nomi sudda hal qilinadi.

20-§. Boshqa shartlar

59. Lizing oluvchi Sotuvchi tomonidan lizing obyekti uchun bergan kafolatdan foydalanadi.

60. Mazkur shartnomaning bekor qilinishi tomonlarni u bekor qilingunga qadar bildirilgan o'zaro da'volarni (talablarni) qondirish majburiyatidan ozod qilmaydi.

61. Ushbu Shartnomaga kiritiladigan har qanday o'zgartirish va qo'shimchalar ular yozma ravishda tuzilib, tomonlarning vakolatli vakillari tomonidan imzolanganda qonuniy kuchga ega bo'ladi.

62. Ushbu Shartnomaning ilovalari uning ajralmas qismi hisoblanadi.

63. Mazkur Shartnomada ko'zda tutilmagan holat yuzasidan O'zbekiston Respublikasi qonun hujjatlari qo'llaniladi.

21-§. Tomonlarning yuridik manzili va rekvizitlari

Lizing beruvchi:

Yuridik manzil: Lizing beruvchi tashkilotning manzili

H/r: Lizing beruvchining hisob raqami

Bank nomi: Lizing beruvchining hisob raqami joylashgan bank nomi

Bank kodi: Lizing beruvchining hisob raqami joylashgan bankning kodi

STIR: Lizing beruvchining STIR raqami

Aloqa uchun raqam: Lizing beruvchining aloqa raqami

Lizing beruvchi _____
tashkilot rahbari
lavozimi va F.I.O.si

(muhr)

Lizing oluvchi:

Manzil: Lizing oluvchi shaxsning manzili

Pasport seriya va raqam: Lizing oluvchining pasport seriyasi va raqami

Berilgan sana: Lizing oluvchiga pasport berilgan sana

Lizing oluvchiga pasport berilgan hudud IIB tomonidan berilgan

STIR: Lizing oluvchining STIR raqami

Aloqa uchun raqam: Lizing oluvchining aloqa uchun raqami

Lizing _____
oluvchining F.I.O.si

(muhr)